

4.1. ანგარიშსწორება შესაძლებელია განხორციელდეს ხელშეკრულების ღირებულების არაუმეტეს 40%-ის ოდენობით წინასწარი გადარიცხვის გზით, წინასწარ ანგარიშსწორების იდენტური ოდენობის

უპირობო და გამოუთხოვადი საბანკო გარანტიის წარმოდგენის საფუძველზე. საბანკო გარანტიის დედანი წარმოდგენილ უნდა იქნას ხელშეკრულების გაფორმებიდან არაუმეტეს 7 (შვიდი) სამუშაო დღის ვადაში, წინააღმდეგ შემთხვევაში ავტომატურად იმოქმედებს შემდგომი გადახდის პირობა. საბანკო გარანტია უნდა იყოს უპირობო და გამოუთხოვადი, მისი მოქმედების ვადა არანაკლებ ერთი თვით უნდა აღემატებოდეს პროექტის ვადას და გაცემული უნდა იყოს საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიიდან, ეროვნულ ვალუტაში - ლარში;

4.1.1 წინასწარ გადასახდელი თანხის იდენტური ოდენობის გარანტიის წარდგენისაგან მიმწოდებლის გათავისუფლება შესაძლებელია შემდეგი საფუძველით:

4.1.2 თეთრ სიაში რეგისტრირებული მიმწოდებელი შემსყიდველ ორგანიზაციას წარუდგენს წინასწარ გადასახდელი თანხის ნახევარი ოდენობის გარანტიას.

4.1.3 მიმწოდებელი ვალდებულია, წინასწარი ანგარიშსწორების შედეგად მიღებული თანხა გამოიყენოს მხოლოდ ხელშეკრულებასთან დაკავშირებული ვალდებულებების შესასრულებლად.

4.1.4 წინასწარ ანგარიშსწორების საფუძველზე მიღებული თანხა გაიქვითება საბოლოო ანგარიშსწორებისას და გამოაკლდება მომსახურებისათვის ჯამურად გადასახდელ თანხას.

4.2. შემდგომი გადახდის შემთხვევაში, ანგარიშსწორება შესაძლებელია განხორციელდეს პროექტის თითოეული ეტაპის დასრულების შედეგად, ხელშეკრულების საერთო ღირებულების 1/10 ოდენობით, გაწეული მომსახურების თაობაზე მ/ჩ აქტის გაფორმებიდან 7 (შვიდი) სამუშაო დღეში.

5. მომსახურების მიწოდების ვადები და პირობები:

5.1. მომსახურების შესრულების ვადაა ხელშეკრულების გაფორმებიდან არაუმეტეს 45 (ორმოცდახუთი) კალენდარული დღე. აღნიშნული დროის განმავლობაში შემსყიდველს უნდა გაეწიოს მომსახურება სრულად და გადაეცეს შესაბამისი მასალის საბოლოო ვარიანტი.

6. სტანდარტები და გარანტია

6.1. მიმწოდებელი ვალდებულია უზრუნველყოს ხარისხიანი და სტანდარტების შესაბამისი მომსახურების მიწოდება.

6.2. მიმწოდებელი აცხადებს, რომ აღნიშნული ხელშეკრულების ფარგლებში შექმნილი პროდუქტი არის მის მიერ შემუშავებული და მესამე პირებს არ გააჩნიათ მასზე მოთხოვნის უფლება, შესაბამისად მიმწოდებელი ვალდებულია შემსყიდველს მიაწოდოს ნივთობრივად და უფლებრივად უნაკლო პროდუქტი და გაუწიოს მომსახურება. იმ შემთხვევაში თუ შემსყიდველზე გადმოცემულ / გადასაცემ პროდუქტს აღმოაჩნდება ნივთობრივი ან/და უფლებრივი ნაკლი მიმწოდებელი ვალდებულია საკუთარი ხარჯებით უზრუნველყოს გამოვლენილი მომსახურების / საქონლის დეფექტის ან/და ნაკლის აღმოფხვრა.

6.3 შემუშავებული ინფო გრაფიკები უნდა იყოს ექსკლუზიურად შემსყიდველზე გათვლილი და მისთვის შექმნილი, დაუშვებელია სხვა მესამე პირის საავტორო უფლებების დარღვევა ინფო გრაფიკების შემუშავებისას და აღნიშნული მომსახურების გაწევისას. მესამე პირების მხრიდან მოწოდებულ პროდუქტზე/გაწეულ მომსახურებაზე რაიმე სახის პრეტენზიის ან დავის შემთხვევაში მიმწოდებელია ვალდებული საკუთარი ხარჯებით და რესურსით მიიღოს მონაწილეობა ასეთ დავაში.

6.4. მიმწოდებლის მიერ ამ ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები დეფექტის ან ნაკლის გამოსწორებისათვის და მიმწოდებელს მოსთხოვოს შესაბამისი ხარჯების ანაზღაურება ან გამოქვითოს ეს თანხა მიმწოდებლისათვის გადასახდელი თანხიდან.

7. მხარეთა უფლება-ვალდებულებები:

7.1. შემსყიდველი უფლებამოსილია:

7.1.1. ნებისმიერ დროს (როგორც მოწოდებისას ასევე მოწოდების შემდგომაც) განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი;

7.1.2. მომსახურების მიწოდების დასრულებამდე გამოითხოვოს მიმწოდებლისაგან მისთვის საჭირო დოკუმენტი და ინფორმაცია, რაც უკავშირდება აღნიშნული ხელშეკრულებით და კონკურსით გათვალისწინებულ მომსახურების გაწევას / პროდუქტის შექმნას.

7.2. შემსყიდველი ვალდებულია:

7.1.1. უზრუნველყოს მიმწოდებლისათვის მიღებული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

7.1.2. უზრუნველყოს წარმომადგენლის გამოყოფა, რომელიც ზედამხედველობას გაუწევს პროცესს და საჭიროების შემთხვევაში, მიმწოდებელს გაუწევს შესაბამის კონსულტაციას.

7.3. მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4. მიმწოდებელი ვალდებულია:

7.4.1. მიაწოდოს სათანადო ხარისხის მომსახურება სრული მოცულობით.

7.4.2 აღნიშნული ხელშეკრულებით გათვალისწინებული მომსახურების გაწევისას გამოიყენოს ის პერსონალი, რომელიც მიუთითა საკონკურსო შემოთავაზებაში და რომლის კვალიფიკაციაც პასუხობს კონკურსის მოთხოვნებს.

7.4.3 შემსყიდველს გადასცეს საავტორო უფლებები ხელშეკრულების ფარგლებში შექმნილ პროდუქტებზე.

8. ხელშეკრულებით ნაკისრი ვალდებულებების შესრულების კონტროლი (ინსპექტირება) და შემოწმება:

8.1. შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე ან/და შეამოწმოს მომსახურების შესაბამისობა ხელშეკრულებით და კონკურსით გათვალისწინებულ მოთხოვნებთან.

8.2. ხელშეკრულებით ნაკისრი ვალდებულებების შესრულებაზე კონტროლის (ინსპექტირების) და შემოწმების განხორციელების უფლება ენიჭება კომისიის აპარატის საზოგადოებასთან ურთიერთობის სამსახურის.....

9. პირგასამტეხლო ხელშეკრულების პირობების შეუსრულებლობისათვის/საბანკო გარანტია

9.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეებს დაეკისრებათ პირგასამტეხლო ყოველ ვადაგადაცილებულ დღეზე ხელშეკრულების მთლიანი ღირებულების 0,1%-ის ოდენობით.

9.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 2 (ორი) პროცენტს, მხარე იტოვებს უფლებას შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9.4 სახელშეკრულებო ვალდებულებების არაჯეროვანი შესრულებისთვის შემსყიდველის უფლებამოსილია შეწყვიტოს ხელშეკრულება და მიმწოდებელს დააკისროს პირგასამტეხლო ხელშეკრულების საერთო ღირებულების 10% - ის ოდენობით.

10. ხელშეკრულებაში ცვლილების შეტანა და ხელშეკრულების შეწყვეტა:

10.1. ხელშეკრულებაში ნებისმიერი ცვლილების ან/და დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულება შეიძლება შეწყდეს ვადაზე ადრე მხარეთა შეთანხმებით ან მოქმედი კანონმდებლობით გათვალისწინებულ შემთხვევებში.

10.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, აღნიშნულის თაობაზე მეორე მხარისათვის წერილობითი შეტყობინების შემდეგ.

10.4. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულების შესრულებისაგან.

10.5. შემსყიდველს, შეუძლია მიიღოს გადაწყვეტილება ხელშეკრულების შეწყვეტის შესახებ, ასევე:

- ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- ბ) მიმწოდებლის გაკოტრების ან/და ლიკვიდაციის შემთხვევაში;
- გ) თუ მისთვის ცნობილი გახდა, რომ მიმწოდებლის მიერ წარმოდგენილი დოკუმენტაცია ყალბია;
- დ) საქართველოს კანონმდებლობით გათვალისწინებულ სხვა შემთხვევაში.

11. გამოყენებული სამართალი და ხელშეკრულების ენა

- 11.1. ხელშეკრულება გაფორმებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.
- 11.2. ხელშეკრულება დაიწერა ქართულ ენაზე, ორ ეგზემპლარად და ორივე ეგზემპლარს აქვს თანაბარი იურიდიული ძალა.

12. გადასახადები და დაბეგვრა

- 12.1. მიმწოდებელი პასუხს აგებს საქართველოს კანონმდებლობით დადგენილი გადასახადის, მოსაკრებლის და სხვა გადასახდელების გადახდაზე.

13. დაუძლეველი ძალა:

- 13.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით.
- 13.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო სამუშაო დღისა აცნობოს მეორე მხარეს მათი დადგომის შესახებ და წარუდგინოს აღნიშნულის დამადასტურებელი, კომპტენტური ორგანოს მიერ გაცემული დოკუმენტი.
- 13.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

14. დავები და მათი გადაწყვეტის წესი:

- 14.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, მხარეები უფლებამოსილნი არიან დავის გადასაწყვეტად მიმართონ საქართველოს შესაბამის სასამართლოს საქართველოს მოქმედი კანონმდებლობის შესაბამისად.

15. ინტერესთა კონფლიქტის თავიდან აცილება:

- 15.1. წინამდებარე სახელმწიფო შესყიდვის მოსამზადებელ ეტაპზე შემსყიდველის მიერ გარკვეულია, რომ შემსყიდველის მიერ არ არის დარღვეული „სახელმწიფო შესყიდვების შესახებ“ საქართველოს კანონით განსაზღვრული ინტერესთა კონფლიქტის დებულებები.

16. ხელშეკრულების მოქმედების ვადა:

- 16.1. ხელშეკრულება ძალაში შედის ხელმოწერის დღიდან და მოქმედებს 2020 წლის 00 00000 ჩათვლით.

17. შეთანხმება კონფიდენციალური ინფორმაციის გაუთქმელობის შესახებ.

- 17.1 მომწოდებელი ვალდებულია უზრუნველყოს აღნიშნული ხელშეკრულებით გათვალისწინებული მომსახურების გაწევის დროს მიღებული ინფორმაციის კონფიდენციალურობის დაცვა.

შემსყიდველი:

მიმწოდებელი: